




Hui Amorangi o Te Waipounamu

He Karakia



Mo Te Ahiahi

Leader: Greet people and announce himene.

At the conclusion of the himene Leader says the following:

I mea a Ihu, ki te aroha koutou ki au, puritia aku ture. He ture hou ka hoatu nei ki a koutou, kia aroha koutou tetahi ki tetahi, me ahau kua aroha nei ki a koutou.



The Collect for Purity

Katoa: E Te Atua Kaha rawa, e tuwhera ana nga ngakau katoa ki a koe, e mohiotia ana nga hiahia, e kore hoki e ngaro i a koe te mea huna; Whakahangia iho tou Wairua Tapu hei whakama i nga whakaaro o matou ngakau, kia tino aroha ai matou ki a koe, kia tika ai te whakanui i tou ingoa tapu; ko Ihu Karaiti hoki to matou Ariki. Amine.

Leader: Me whāki tatou i o tatou hara ki te Atua.

Katoa: E te Matua Kaha rawa, kua hara matou ki a koe, i o matou whakaaro, a matou kupu, a matou mahi kahore i whakapaua o matou ngakau ki te aroha ki a koe, kahore hoki matou i aroha ki o matou hoa, pera me to te Karaiti e aroha nei ki a matou. E pouri ana matou mo o matou hara, E Ihowa, tohungia matou. Houhia te rongō ki a a matou, Hanga he ngakau hou ki roto ki a matou, Kia harikoa ai matou, a kia haere i au ara, Ko Ihu Karaiti hoki to matou Ariki. Amine.

Leader: *(Te rikona, te reimana ranei, me ki 'tatou', kauaka 'koutou'.)*

E te Atua Kaha rawa, e muru nei i nga hara o te hunga e pono ana te ripenata, mana e muru o koutou hara, ma tona Wairua koutou e whakakaha, a, e kawe ki te ora tonu; ko Ihu Karaiti hoki to tatou Ariki. Amine.



Psalm 23

1. Ko Ihowa toku hepara: e kore ahau e hapa.
2. Ko ia hei mea kia takoto ahau i nga wahi tarutaru hou: e arahi ana ia i ahau i te taha o nga wai ata rere.
3. Ko ia hei whakahoki ake i toku wairua: e arahi ana ia i ahau i nga ara o te tika, he whakaaro hoki ki tona ingoa.
4. Ae, ahakoa haere ahau i te awaawa o te atarangi o te mate, kahore he kino e wehi ai ahau: no te mea kei toku taha koe: ko tau rakau, ko tau tokotoko, ko ena hei oranga ngakau moku.
5. E taka ana e koe he tepara ki toku aroaro i te tirohanga ano o oku hoa-riri: e whakawahia ana e koe toku mätenga ki te hinu, purena tonu toku kapa.
6. He pono, e aru i ahau te pai me te atawhai i nga ra katoa e ora ai ahau: a ka noho ahau ki te whare o Ihowa, ake tonu atu.

Leader: Kia whakakororiatia te Matua, te Tama: me te Wairua Tapu:

Katoa: **Ko te ritenga ia i te timatanga, a tenei ano inaianei: a ka mau tonu iho, a, ake, ake, ake, Amine.**



Psalm 121 *(You may wish to use other psalms)*

1. Ka anga atu oku kanohi ki nga maunga: no reira nei te awhina moku.
2. No lhowa te awhina moku: no te kai-hanga i te rangi, i te whenua.
3. E kore ia e tuku i tou waewae kia nekehia; e kore tou kai-tiaki e moe.
4. Ina, e kore te kai-tiaki o lharaira: e parangia, e moe.
5. Ko lhowa tou kai-tiaki; Ko lhowa tou whakamarumarua i tou ringa matau.
6. E kore koe e pakia e te ra i te awatea: e te marama ranei i te po.
7. Ma lhowa koe e tiaki i roto i nga kino katoa: mana e tiaki tou wairua
8. Ma lhowa e tiaki tou haerenga atu, me tou haerenga mai: aiane, a ake tonu atu.

Leader: Kia whakakororiatia te Matua, te Tama: me te Wairua Tapu.

Katoa: **Ko te ritenga ia i te timatanga, a tenei ano inaianei: a ka mau tonu iho, a, ake, ake, ake. Amine.**



Himene Reading of Scripture Kauwhau *(If desired)*

Leader: *(Inoi mo te Ata:)*
E te Atua, e te Matua ora tonu, na tou kaha matou i waihanga, na tou aroha matou i hoko. Arahina, tautokona matou e tou Wairua, kia rite ai i a matou au mahi i tenei ra, meinga matou kia aroha tetahi ki tetahi, kia aroha hoki ki a koe, ko lhu Karaiti hoki to matou Ariki. **Amine.**

Leader: *(Inoi mo te Ahiahi:)*

E te Ariki, e te Atua, he maha au mea i a matou i tenei ra; homai ki a matou he ngakau whakamoemiti mo enei atawhainga. I a matou ka rutua nei e te moe, tiakina matou, me o matou hoa aroha i tenei po, a, i te aranga ake, a, ka mahi i nga mahi a tau Tama, a to matou Kaiwhakaora, a Ihu Karaiti. **Amine.**

Katoa: I roto i nga pouritanga, i nga maramatanga, i nga wa o te kino, i nga wa o te pai, awhinatia matou, e te Matua, kia tu maia ki tou aroha, kia mahi i au e pai ai, kia whakanui hoki i tou ingoa tapu, ko Ihu Karaiti hoki tou matou Ariki. **Amine**

Katoa: E te Atua kaha rawa ora tonu, Ko koe anake hei mahi i nga mahi whakamiharo; Tonoa iho tou Wairua whakaora ki o matou Pihopa, ki o matou Minita, ki nga Whakaminenga katoa ano hoki i tukua ki a ratou; kia maturuturu tonu iho te tomairangi o tou atawhai ki runga ki a ratou, kia paingia ai ratou e koe. Tukua mai tenei, e Ihowa, hei whakahonore mo Ihu Karaiti, ko ia nei to matou Kai-inoi, Kai-waowao. **Amine.**

If so desired the leader may encourage extemporary prayer (This section is optional)

Leader: Te Whakamoemiti ki a koe, e te Ariki, Te Kai-homai i nga mea katoa, Nau te ki, "Inoia, a ka hoatu; Rapua, a ka kitea; Patukia, a ka uakina ki a koutou'.
Kororia ki a koe.

Leader: Kua akona nei tatou e to tatou Ariki, ka inoi tatou.

Katoa: E to matou Matua i te rangi
Kia tapu tou Ingoa.
Kia tae mai tou rangatiratanga.
Kia meatia tau e pai ai
ki runga ki te whenua,
kia rite ano ki to te rangi.
Homai ki a matou aianeī
he taro ma matou mo tenei ra.
Murua o matou hara,
Me matou hoki e muru nei i o te hunga e hara
ana ki a matou.
Aua hoki matou e kawea kia whakawaia;
Engari whakaorangia matou i te kino:
Nou hoki te rangatiratanga, te kaha,
me te kororia,
Ake ake ake. Amine.



Himene

The Grace

Katoa: Kia tau ki a tatou katoa te atawhai o to
tatou Ariki, o Ihu Karaiti, me te aroha o te
Atua, me te whiwhinga tahitanga ki te
Wairua Tapu, ake, ake. Amine.

Himene



1

1. E oho, e te Wairua,
E ara i te moenga!
Maranga tahi me te ra,
He mahi mau me timata.
2. Kei rite tenei ki nga ra
Kahore nei he huanga;
Whaia i tenei ra te pai,
Ano hei tenei mutu ai.
3. O taranata tuku mai,
Me mahi kia hua ai;
Maharatia taua ra,
Te Rangi o te Whakawa.
4. O mahi me o korero,
Me pono pu, me tupato:
Tou hinengaro kia ma;
Ka kitea e te Atua.
5. Na, o te Rangi karere,
Te whakapai, te himene!
Te ngakau nei, maranga ra!
E uru ki nga waiata.



8

1. He aroha nou, e Ihu,
Tenei ra i kitea ai:
Tiakina hoki matou
I te roa o tenei po.
Atawhaitia mai e koe;
Mau ano ka ora ai.
2. Tenei matou, he manene
Noho waenga i te he;
Nei ra tiakina iho
I o matou hoa whawhai.
Tino awhitia e koe
Ki ou ringa atawhai.

3. Ka pahure enei wahi
Me nga ra e ora ai;
A ka tata ki te mate;
Whakakahangia e koe.
Tangohia ki te rangi
Okioki atu ai.



35

1. Karanga ana mai te reo,
Nei tonu ko te wa,
E pouri ai te tangata,
Mo ana mahi he.
2. Me mahi pono ake ia,
Inoi a ngakau mai,
Kei waiho ko te mahi nei,
Hei mahi ngutu kau.
3. Papaki uma, tangi nui,
Aumihi ranei koe;
Kia na te ngakau ake ia,
Ko kona pono ai.
4. Tahuri atu ki t'Atua,
Inoi a ngakau koe;
Tera e whakarongo ia,
Aroha tonu mai.
5. E te Atua, titiro mai,
Aroha iho ra;
Tenei whakaakona e koe,
Ka mahi pono ai.



43

1. Ka tirohia te ripeka,
I mate ai t'Ariki nui,
Ka iti haere taku pai,
Ki enei taonga hemo noa.

2. He toto koa te rere mai,
I ona ringa, ona wae;
Tona aroha nei, te nui,
He tohu orange ki a au.
3. Kauga ahau e puritia,
Ki enei kino o te ao,
Ko taku e whakaaro ai,
Ko tona ripeka mamae.
4. Ma tenei utu oku he,
Ka tino hemo ai katoa;
Ko toku ngakau wairangi,
Ka aro atu ki t'Atua.



46

1. Whakarongo ki te kupu,
No ko mai, no Kawari;
Motu ke nga puकेपुके,
Koara pu te ao katoa.
Oti rawa
Tana whakaoranga.
2. Oti rawa! Ae te hari,
O te kupu ora nei;
Tini aua pai a Ihu,
Tenei ra te puta nei.
Oti rawa!
Tenei ki maharatia.
3. Mutu pu nga whakarite,
O te ture tawhito;
Rite pu i a Ihowa,
Ana korero o mua.
Oti rawa!
Koia tenei haringa.
4. Tena, e nga Herapima,
Tatou nei ka waiata,
Ki a Ihu, te Ariki,
O te rangi, o te ao.
Hareruia!
Mona i kohurutia.



80

1. Tama ngakau marie,
Tama a t'Atua
Tenei tonu matou,
Arohaina mai.
2. Murua ra nga hara:
Wetekina mai
Enei here kino,
Whakararu nei.
3. Takahia ki raro,
Tau e kino ai;
Kei pa kaha tonu,
Ko nga mahi he.
4. Homai he aroha,
Mou i mate nei.
Tenei ra, e Ihu,
Takina e koe.
5. Tenei arahina,
A tutuki noa:
Putu i te pouri,
Whiwhi hari nui.
6. Tama ngakau marie.
Tama a t'Atua
Tenei tonu matou,
Arohaina mai.



88

1. Ko koe, e Ihu, tena,
E patoto mai nei;
E whanga tonu ana,
Ko koe kia tomo mai?
E ao ianei te kino,
Te hara tino nui;
Ko au kia keke tonu,
Ki tau i tono ai?

2. He puta kei ou ringa,
He nawe kei ou wae,
Karauna tohu mamae,
Kei runga i tou rae.
Na oku hara ena,
I rapa atu ai,
Nga hara whakakake,
Ki tou aroha nui.
3. Ko koe, e Ihu, tena,
E ata ki mai nei,
“I mate au mo koutou,
Te tukua atu au!”
Me kati au te turi;
E Ihu, tomo mai:
Me rahui toku ngakau,
Hei wahi pumau mou.



89

1. Toku wairua, oho mai,
Whakarongo ake ra,
Nei te Ihu kupu mai
“He aroha ranei tou?”
2. Naku koe i tango mai
I nga here whakarau;
Naku koe i ora ai:
He aroha ranei tou?
3. Noku te aroha nui,
Pumau tonu ake nei,
Te ai tona rite mai:
He aroha ranei tou?
4. Tera te torona mou,
Te kororia tino nui;
Ki mai koia ki ahau,
He aroha ranei tou?”
5. Te Ariki, koia nei
Ko te mate i ahau:
Mau ahau e ako mai
E aroha pono ai.



92

1. E Ihu toku oranga,
I oku tini he,
I runga i tou kainga,
Mahara mai ki a au.
2. I a au e pouri pu ana,
Kua rapua au e koe,
I a au ano ka marama,
Mahara mai ki a au.
3. Ahau i tae ki tenei ra,
He mahi hoki nau,
Waihoki tenei mahinga,
Maharatia e koe.
4. Ka tohe nei a Hatana,
Kia hoki atu au,
E Ihu kia uaua ra,
Mahara mai ki a au.
5. Ko whakatata pu ahau,
Te haere i te ao,
Ko reira koe whakaaro ai,
Mahara ai ki a au.



94

1. Au, e Ihu, tirohia,
Arohaina iho ra;
Whakaaetia ake au,
Ki tou uma piri ai;
I te wa e aki ai,
Enei ngaru kino nei:
I te wa e kerī ai,
Enei awaha kaha mai.

2. Tiakina mai ahau,
I te wa e rurea nei;
Aratakina e koe,
Roto te marino nui;
Aua au e waiho noa;
Awhitia mai ra e koe;
Hipokina iho au,
Raro i ou parirau.

3. Ranea tonu ana mai,
Tou aroha atawhai;
Kaha ana mai ko koe,
Ki te muru i nga he:
Puna o te oranga,
Whakahekea tenei wai,
Kia pupu i roto nei,
Tae noa ki te mutunga.



105

1. E te kahui iti nei,
Aua ra e wehi noa;
Nei ano te atawhai,
O te kai-tiaki pai.
2. Ina karapotia mai,
E nga kino o te ao,
Anga atu ki t'Atua,
Aua e titiro ke.
3. Tena 'no te kainga hou,
Mana nei e tuku mai;
Nana hoki tenei pai,
Tenei mahi atawhai.
4. Kati ra te oho noa,
Ki nga mate puta mai;
Ina hoki ko t'Atua,
He Matua aroha nui.



100

1. Arahina, e lhowa,
To pononga i te ao:
Whakakitea mai tou kaha,
Puritia ra au e koe,
A whangainga,
Ki te kai e ora ai.
2. Whakahekea mai te puna,
Hei horoi mo te hara;
Tukua ko te kapua mura,
Hei arahi i ahau;
Tenei hoki,
Whakakahangia e koe.
3. Whakamamakia e koe,
To te mate takiwa;
Whakawhitia to pononga,
I nga wai o Horano;
Whakauria,
Ki te wa o Kenana.



112

1. Nga wahi ra e mine ai,
Te hunga karakia,
He whakarite i te ki,
A lhu t'Ariki;
2. "Ko reira ano hoki au,"
E ai ko tana ki,
"E ata whakarongo au,
E tino whakapai."
3. Nei tonu whakapaingia mai,
Matou e mine nei;
Homai e koe he ngakau hou,
Kia inoi pono ai.

**114**

1. Te Wairua Tapu, atawhai!
Tou kaha whakakitea mai:
Homai he tohu mo te pai
Ki roto ki nga ngakau nei.
2. He tohu whakahari ra
Te tohu o tou atawhai;
He marama tiaho ia
I roto i te pouri nui;
3. Tohaina mai ra aiane
Te mana o tou atawhai:
Hei whakawahi mo te pai,
Hei whakahari i katoa.
4. He rongu mau te tuku mai,
Kei tata ko te hoa whawhai;
Kia tu ko koe hei arahi,
Ka pumau ko nga pai katoa.
5. He ngakau hou te hanga mai,
Kia whakapaingia ake ai
Te Tokotoru Tapu, Nui,
Kotahi tonu nei Atua.

**116**

1. E Te Atua, kua ruia nei
O purapura pai:
Homai e koe he ngakau hou,
Kia tupu ake ai.
2. E Ihu, kua e tukua
Kia whakangaromia,
Me whakatupu ake ia,
Kia kitea ai nga hua.

3. A ma te Wairua Tapu ra
Matou e tiaki,
Kei hoki ki te mahi he
O matou ngakau hou.

**122**

1. Kei riri tonu mai,
E te Atua, ki a au;
Kia tohu koe, kia atawhai,
Ki a au e pouri nei.
2. He ngakau mamae nui,
Mo aku mahi he,
Koia ka tangi ai ahau,
Ka mihi atu ai.
3. Tenei a Hatana,
Te tohe tonu nei;
He mea kia hinga ai ahau,
I ana whakawai.
4. Homai, e te Atua,
He kaha ki ahau,
Kia maia ai ahau te pei,
I toku hoa whawhai.

**152**

1. Piko nei te matenga,
Tau mai ko te pouri nui;
E te Tama a t'Atua,
Tenei arohaina mai.
2. Ngaro nei o matou hoa,
Riro atu ki te po;
Tangihia i muri nei,
Tenei arohaina mai.

3. Tena koe kua taunga noa,
Ki nga mate o te ao;
Nou te mate tino nui;
Tenei arohaina mai.
4. Tena koe te mohio na,
Ki nga panga mamae mai;
Nou to mamaetanga nui;
Tenei arohaina mai.
5. Mamae ko te ngakau he,
Pouri whakaroto ia,
Pehi kino iho nei;
Tenei arohaina mai.
6. Whakapikau ana koe,
I nga hara o te ao;
Nau katoa i whakaea;
Tenei arohaina mai.



157

1. Nga pai katoa e ranea nei,
I pono ai te tangata,
E te Atua, Ariki nui,
Nau ra katoa.
2. Te ra e whiti iho nei,
Nga mau katoa o te whenua,
Te ora mo te tinana,
Nau ra katoa.
3. Te tino o te atawhai,
Te matenga o Ihu nei,
Me ona painga ranea mai,
Nau ra katoa.
4. Te Wairua Tapu tuku mai,
Me ana mahi atawhai,
E whakahari ngakau nei,
Nau ra katoa.

5. Nga kauwhau o te Rongo pai
Te maunga rongo ki te ao,
Te ora ake tonu nei,
Nau ra katoa.



166

1. Koutou katoa ra, mea iti nei,
Haere mai koutou, Kei whakaroa;
Tenei a Ihu nana te ki,
“Haere mai ra ki a au.”

Chorus...

Nei te hari, tino hari nui,
A te wa e tutataki ai,
Hui atu tatou, ropu katoa,
Runga te rangi nei.

2. “Tukua mai ratou,” nei tana ki
“Aku i pai ai, kei puritia;
Mine mai koutou, anga mai nei
Haere mai ra ki a au.”

Chorus...

3. Nei ra whakaaro, tuturutia;
Tana e ki nei, me whakaae;
Nana te tono, nana te ki,
“Haere mai ra ki a au.”

Chorus...



171

1. Ma te marie a te Atua
Tatou katoa e tiaki;
Mana ano e whakau
O tatou ngakau ki te pai.
2. Ma te Atua Tamaiti ra,
Ma te Wairua Tapu hoki,
Ratou, Atua kotahi nei.
Tatou katoa e whakapai.



1. Tera nga manaakitanga,
Tera te aroha nui,
Tera te wa o te hari,
Ki te Kaiwhakaora.

Chorus...

Manaakitanga,
Me te aroha nui
Manaakitia mai ra matou,
E te Ariki pai.

2. Tera nga manaakitanga,
Moku kia ora ai;
Tera te tomairangi
E heke iho nei.

Chorus...

3. Tera nga manaakitanga,
Homai e te Atua;
Tukua kia toha ana
Ki runga i te ao.

Chorus...

4. Karangatia ra te katoa
Ki tenei Rongo pai;
Ko Ihu kei te ora
Hei Kingi mo te ao.

Chorus...



1. Tenei hoki au, e Ihu,
Whakarongo mai
I te mano e popoke,
Kei kapea ko au.

Chorus...

E Ihu, e Ihu,
whakarongo mai,
I te mano e popoke,
Kei kapea ko au

2. Kei te puna o t'aroha,
Toku marie nui
Pa mai ko te ngakau pouri,
Awhinatia au.

Chorus...

3. Nou anake ra te tika,
Rapua nei e au;
Rongoatia toku wairua,
Whakaorangia.

Chorus...

4. Koe te Puna o te marie,
Nou nei ra katoa;
Ko Koe taku i te rangi,
I te whenua nei.

Chorus...



WAIRUA TAPU

Wairua tapu, wairua tapu, tomo mai
 Wairua tapu, wairua tapu, tomo mai
 Ko koe ra lhowa te mananui
 Wairua tapu, wairua tapu, tomo mai

Holy Spirit thou art welcome
 in this place
 Holy Spirit thou art welcome
 in this place

Omnipotent Father of mercy and grace
 Thou art welcome in this place

Wairua tapu, wairua tapu, tomo mai
 Wairua tapu, wairua tapu, tomo mai
 Ko koe ra lhowa te mananui
 Wairua tapu, wairua tapu, tomo mai



MAJESTY

Te atua tapu o nga tapu
 Ki a ihu te Kororia te honore
 Te Atua te mana harerua
 I heke mai te maunga tapu
 Ki te iwi

Chorus....
 Hapaitia (Hapaitia)
 Te ingoa o Ihu
 Whakapaingia
 Whakamoemititia

Te atua tapu o nga tapu
 I mate nei a Ihu e
 Te kingi nui

Chorus

Majesty worship his Majesty
 Unto Jesus be all glory, power and praise
 Majesty, Kingdom, Authority
 Flow from his throne unto his own
 His anthem raise

Chorus...

So exalt, lift up on high
 The name of Jesus
 Magnify, come glorify
 Christ Jesus the King

Majesty, worship his majesty
 Jesus who died, now glorified
 King of all Kings

Chorus



HE TOUCHED ME

Shackled by a heavy burden
 Neath a load of guilt and shame
 Then the hand of Jesus touched me
 And now I am no longer the same
 He touched me, oh he touched me
 And oh the joy that filled my soul
 Something happened, and now I know
 He touched me and made me whole
 Since I met my blessed Saviour
 Since he cleansed and made me whole
 I will never cease to praise him,
 I'll praise him while eternity rolls

I roto i te tohu o te he
 I nga whakawaitanga e
 Ka pa mai nga ringa o Te Ariki
 Ka hotu hotu te manawa
 He tohu he tohu wairua
 Tiaho mai ra nga whetu aue
 Ka tumanako kia puawai ra
 He tohu mo Te Ariki nui
 I piri atu au ki Te Ariki

Ka horoi aku hara e
 E kore au e wareware
 Ka tuku whakamoemiti e



TRUST IN THE LORD

Trust in the Lord and don't despair
 He is a friend so true to you
 No matter what your troubles are
 Jesus will see you through

Chorus:

Sing, sing when the day is bright
 Sing, sing on the darkest night
 Every day all the way
 Let us sing, sing, sing

Tau atu ki te Ariki
 Ko ia hei hoa pūmau mau
 Akoa te kino o te ao
 Mana koe e ārahi
 Waiata waiata ki te ao
 Waiata waiata ki te po
 Tena ra katoa
 Tena waiata



KO IHU RA TE ARA

Ko Ihu ra te ara ki te oranga
 Ki te oranga, ki te oranga

Ko Ihu ra te ara ki te oranga
 Ki te koa, koa, koa.
 Haere tahi tātou ki te oranga
 Ki te oranga, ki te oranga
 Haere tahi tatou ki te oranga
 ki te koa, koa, koa

Jesus is the way to my Father's house
 To my Father's house
 To my Father's house
 Jesus is the way to my Father's house
 Where there's joy, joy, joy.
 Come and go with me
 To my Father's house x 2
 Come and go with me
 To my Father's house
 Where there's joy, joy, joy.



ONE DAY AT A TIME

I'm only human
 I'm just a person
 Help me believe
 in all I could be and all that I am
 Show me the stairway
 I have to climb
 Lord for my sake,
 teach me to take
 One day at a time

Chorus

One day at a time sweet Jesus
 That's all I'm asking of you
 Give me strength to do every day
 What I have to do.

Yesterday's gone sweet Jesus
 And tomorrow may never be mine
 Lord help me today, show me the way
 One day at a time

Do you remember
 When you walked among men
 Well Lord, you know
 if you're looking below
 Its worse now than then
 Pushing and shoving,
 Crowding my mind, Lord for my sake
 Teach me to take, One day at a time



TO GET A TOUCH FROM THE LORD

To get a touch from the Lord is so real
 To get a touch from the Lord is so real
 If you draw nigh to him
 He will draw nigh to you
 To get a touch from the Lord is so real
 Hallelujah, hallelujah
 Jesus is coming again